

此非... 此乘南風... 用貝于... 不矣其國... 必非... 辭於田... 平... 今... 茲... 安南記遊

安南記遊

晉江潘鼎珪子登著

安南古越裳氏地即周時所紀重譯入貢姬公錫指南車以返者也其俗男女被髮兩足大趾交相向故取名交趾自秦以降畔服不常中夏迭興輒命將往征威德最著足以鎮壓其邪心在漢則有馬伏波將軍援明張英國公輔至今廟貌並巍然而馬將軍靈爽視英國尤赫自其王以下周不望門瞻禮歲時禱祠焉曩康熙二十七年冬余偶有事于粵高涼維特海網已開諸委艘聽往來取捷海舟受風飄入其國由偏曰萬寧州之港口土名江平天色晴明望粵粵高欽廉三州山隱隱如見環海之外即古珠噀產珠處有明中葉設中宮益守禁人盜採有一小真曰珠墩賈人

往往泊舟其下取水焉自五平以內之其國都分為三孔道俱沿
海余買其土舟入不一日抵華封焉其者海真也四望悉石山重
峰疊岫百萬其形從海底挺出巖巖草木怪松古栢離奇盤
囿於石隙中並錯骨露筋以起山之萬竅數百尺或百十尺或玲
瓏相抱或紆迴斷續不可懸擬亦不可方物或望之如百獸形如
雄武夫介冑坐如夏日火雲峰勃湧或遠之而似即之而非或正
視之而然側視之而又不然風雲日曉變幻不測余浮舟其內凡
四宿乃出每列山窮海窄處幾疑終塞不可通良久乃復見一境
界如是者一日殆不啻百迴夜則繫舟石側試其水深深約不下
十尋許山四逼常不風舟行來我忘涉海云山盡仍復巨浸汪洋
無際隨潮汐取途潮汐則行滿則止余始駭之質之舟人乃悉蓋

潮平則混為一汐退乃始分門出其地率不可方舟焉越數日乃
少小見民居村落有墟曰下酉逢墟如美女數千人貿易其地自
是稍見沃壤又數日達軒內軒內者土其國都只百十里凡四方
洋舡販其國悉泊焉設官分鎮其地有街市數十曰天朝街尊我
中夏曰天朝稱我中夏人曰天朝人沿舊制也自軒內舟行三日
達國都則王府在焉地無城郭環大堦為垣墻軍民雜處互市率
女人雜官之內子不為忌品秩悉依漢制冠裳如之士人讀書多
尚經鑑性也無崇祀宣聖所瞻謁明辭學士縉蓋學士縉特為左
布政鎮其地典文教云書法遵宋體畫國之人點畫形勢無不同
不甚分醜好余嘗與其士大夫國人講求其故大都我中土人學
書合一字格式學彼則裂一字之點畫分之使其材質靡不同然

後合為一字亦一法也書時席地坐兩手腕並不附麗於席左執
帑而右搦管雖大廷射策作細楷字無不然尤最難也軍制無定
額器械則純用炮火刀劍次之編伍悉依古田賦法故其俗生女
則喜男則憂男則娶於人女則娶人女娶人非有常產資財男多
鄙棄不屑間有中土人娶其女生男則聽取回生女則留不返蓋
女貴於男男成丁符於定額宜編伍者則官剃其額上髮寸許以
別於民馬國以兵象多為富強然其為教象每不逾三千兵恒歛
十萬則傳為伏波將軍識定也環都城上下沿江五六十里列戰
艦地絕寇警則蔽舟于岸丹黃雕鏤備極人工蓋亦其國誇靡示
強之一事也其俗重武裂爵上稱為郡公幾百十員侯以下無算
文臣百執掌文書故事而已三年開科策士中式七人授以州縣
方奉貢時即以其貢往地舊為黎陳二氏今篡國則鄭姓質之士
人云鄭姓先吾中夏人世居安南青花後據國二氏子孫始無遺
又後感大風雷疾癘之變乃復立其故主支孫為天子身自為臣
事之奉貢于中朝則稱安南王臣其號於國中則曰天子而鄭氏
自為安南王有中朝使者至則以其主見正月朝會如之非是則
不許出設衛士百人供給其衣食奉養名曰衛之寔曰守之而已
自都城以南數百里臨海東南通雲南西北連粵西正東界粵東
地縱橫綿亘數千里州縣凡百有奇土產則有銀蚕絲玳瑁桂漆
檳榔之屬燕窩象牙翡翠孔雀之類甚盛富也唯其俗狡險而關
智好勝而貪財女多苟合之庶恥有別之風是其醜也其地與吾
中土聯屬者三西北從西粵南寧取道逾銅柱峽二辰可達國都

俱土壤相接正東從東粵欽廉以行則須由海道越龍門渡江平
華封則有石山之險非其土人駕舟不可至東南接滇南水草毒
人不敢犯雖其國有事征行俱載他水以往則又其地封疆險阻
之大要也唯正南面海籍海之口曰獨脚舟行達都城漸入內江
五七日可至復自都城溯河源逾月乃盡岸潤不下吾中土諸江
沿江千數百里盡沃土腴田至獨脚以外乃屬大海環海四遠數
百里地淺沒退水只七八尺許舟出入必候潮平風緩乃行土人
於隘口樹檳榔柱為界望之類木柵然蓋以防他國曩舟剽掠尤
其天險也大抵是土未棄以前壤地最潤自明初割棄東南十數
州縣鄭氏竊國分其甥穆姓以守茲遂割據號稱廣南今連年侵
伐雖並奉其主正朔而各自置疆土焉屬交趾者曰義安屬廣南

者曰布政中各以海為界重兵戍之廣南地窄民少而兵強安南
地廣民多而兵弱故雖兩賊殺兩不能下也夫普天之下莫非王
土自周秦以來千數百年俱入中土版籍迨明一朝棄去雖曰安
攘大經寔非策也經生不量迂愚謹因昔所閱歷稽其與國忝以
聞見詳為詮次本末如此

龍門者海嶼也地枕交廣之間當欽州正南為外戶自欽州發舟
不一日至重峰疊嶂七十有二錯落大海中大小各不相續海疆
多事則往往盜賊盤據其中為窟宅康熙二十三年間新設鎮于
此余已卯年秋有事欽州過其地并為誌之

